



## დმანისის მუნიციპალიტეტის საკრებულო



ქ.დმანისი

### გ ა ნ კ ა რ გ უ ლ ე ბ ა

N 126 08  
07/12/2017

**საკრებულოს წევრების გადაწყვეტილების დმანისის მუნიციპალიტეტის საკრებულოში ფრაქცია „ქართული ოცნება- კონსერვატორების“ შექმნის და მის თავმჯდომარედ ზურიკო ჩხვიმიანის არჩევის ცნობად მიღების შესახებ**

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2-ე პუნქტის, 30-ე მუხლისა და „დმანისის მუნიციპალიტეტის საკრებულოს დებულების (რეგლამენტის) დამტკიცების შესახებ“ დმანისის მუნიციპალიტეტის საკრებულოს 2014 წლის 14 ივლისის №42 დადგენილების 35-ე მუხლის თანახმად, დმანისის მუნიციპალიტეტის საკრებულომ **გადაწყვიტა:**

1. ცნობად იქნეს მიღებული საკრებულოს წევრების გადაწყვეტილება 2017 წლის 06 დეკემბერს, დმანისის მუნიციპალიტეტის საკრებულოში ფრაქცია „ქართული ოცნება- კონსერვატორების“ შექმნის და მის თავმჯდომარედ ზურიკო ჩხვიმიანის არჩევის შესახებ.
2. განკარგულება ძალაშია ხელმოწერისთანავე.
3. განკარგულება შეიძლება გასაჩივრდეს გაცნობიდან ერთი თვის ვადაში ბოლნისის რაიონულ სასამართლოში (ქ. ბოლნისი სულხან საბას ქ. N113).

მერაბ ოქრიაშვილი

საკრებულოს თავმჯდომარე

დმანისის მუნიციპალიტეტის საკრებულოს ფრაქცია

„ქართული ოცნება-კონსერვატორების“

სხდომის ოქმი N1

05.12.2017 წელი

ქ.დმანისი

დღის წესრიგი:

1.დმანისის მუნიციპალიტეტის საკრებულოში ფრაქცია „ქართული ოცნება-კონსერვატორების“ პოლიტიკური პლატფორმისა და წესდების დამტკიცება.

2. ფრაქციის ხელმძღვანელი პირების არჩევა.

სხდომას ესწრებოდნენ: 1. გოგი ციხელაშვილი, 2. მზია ნინიაშვილი, 3. ზურიკო ჩხვიმიანი  
სხდომის თავმჯდომარე: გოგი ციხელაშვილი

სხდომის მდივანი: მზია ნინიაშვილი

დღის წესრიგი დამტკიცდა 3 ხმით არცერთის წინააღმდეგ.

1. სხდომის თავმჯდომარემ , გოგი ციხელაშვილმა წარმოადგინა ფრაქციის წესდება და პოლიტიკური პლატფორმა . აზრი გამოთქვეს მზია ნინიაშვილმა რის შემდეგაც კენჭი ეყარა ფრაქციის წესდებისა და პოლიტიკური პლატფორმის დამტკიცებას. ფრაქციის წესდება და პოლიტიკური პლატფორმა დამტკიცდა 3 ხმით არცერთის წინააღმდეგ.
2. ფრაქციის თავმჯდომარედ დასახელდა ზურიკო ჩხვიმიანის კანდიდატურა . კენჭისყრის შედეგად ფრაქციის თავმჯდომარედ 3 ხმით არცერთის წინააღმდეგ. არჩეულ იქნა ზურიკო ჩხვიმიანი ფრაქციის მდივნად დასახელდა მზია ნინიაშვილის კანდიდატურა, კენჭისყრის შედეგად ფრაქციის მდივნად არჩეულ იქნა მზია ნინიაშვილი 3 ხმით არცერთის წინააღმდეგ.

ფრაქციამ გადაწყვიტა, რომ ფრაქციის სარეგისტრაციოდ საჭირო დოკუმენტაცია წარედგინოს დმანისის მუნიციპალიტეტის საკრებულოს \_\_\_\_\_, სამანდატოკომისიას.

სხდომის თავმჯდომარე:



გოგი ციხელაშვილი

სხდომის მდივანი:



მზია ნინიაშვილი

## დმანისის მუნიციპალიტეტის საკრებულოს ფრაქცია „ქართული ოცნება - კონსერვატორების“ პოლიტიკური პლატფორმა

05.12. 2017 წელი

ქ.დმანისი

დმანისის მუნიციპალიტეტის საკრებულოს ფრაქცია „ქართული ოცნება - კონსერვატორები“, არის საკრებულოს წევრთა ნებაყოფლობითი გაერთიანება, საქართველოს ადგილობრივი თვითმმართველობის კოდექსით განსაზღვრული ამოცანების ერთობლივი გადაწყვეტისა და საერთო პოლიტიკური მიზნების მისაღწევად, კერძოდ:

1. ერთიანი და დემოკრატიული ქართული სახელმწიფოს ჩამოყალიბება.
2. სახელმწიფოებრივი პატრიოტიზმის, ეროვნული მსოფლმხედველობისა და იდეალების დამკვიდრება, ეთნიკური, კონფესიური, კულტურული და ტრადიციული თვითმყოფადობის შენარჩუნება.
3. ტერიტორიული მთლიანობის აღდგენა, ინტეგრაცია ევროპულ სტრუქტურებსა და ნატოში.
4. სახელმწიფო აღმშენებლობაში აქტიური მონაწილეობა, მშვიდობიანი და სამართლებრივი პოლიტიკური საშუალებებით.
5. დემოკრატიული პრინციპების დამკვიდრება სახელმწიფო მმართველობაში, ყველა დონის ტერიტორიული ერთეულების სრული თვითმმართველობა.
6. კერძო საკუთრების დაცვა, სამეწარმეო და არასამეწარმეო საქმიანობის ავტონომია.
7. ადამიანის ძირითად უფლებათა და თავისუფლებათა დაცვა.
8. სიტყვისა და გამოხატვის თავისუფლების დაცვა.
9. სიღარიბის დამლევა და უღარიბესი ფენისათვის ეფექტური სოციალური პროგრამების განხორციელება.
10. განათლებისა და ჯანდაცვის ხელმისაწვდომობის უზრუნველყოფა.

დმანისის მუნიციპალიტეტის საკრებულოს ფრაქცია „ქართული ოცნება-კონსერვატორების“  
წესდება

თავი 1

ზოგადი დებულებანი

მუხლი 1.

1.1. დმანისის მუნიციპალიტეტის საკრებულოს ფრაქცია (შემდგომში „ფრაქცია“) „ქართული ოცნება-კონსერვატორები“, არის საკრებულოს წევრთა ნებაყოფლობითი გაერთიანება საქართველოს ადგილობრივი თვითმმართველობის კოდექსით განსაზღვრული ამოცანების ერთობლივი გადაწყვეტისა და საერთო პოლიტიკური მიზნების მისაღწევად.

1.2. ფრაქციის შექმნისა და საქმიანობის საფუძველია საქართველოს კონსტიტუცია, საქართველოს ადგილობრივი თვითმმართველობის კოდექსი, საკრებულოს რეგლამენტი და სხვა ნორმატიული აქტები.

თავი 2

ფრაქციის მიზნები და ამოცანები

მუხლი 2.

2.1. ფრაქციის ძირითადი მიზნები და ამოცანებია:

ა) საკრებულოს მუშაობაში სხვადასხვა საკითხებთან დაკავშირებით საკუთარი პოლიტიკური კურსის გამოხატვა და გატარება;

ბ) საკრებულოსა და მისი ორგანოების საქმიანობაში მონაწილეობა;

გ) საკრებულოს საქმიანობის განხორციელებისას ფრაქციის შეჯერებული აზრის გამოხატვა;

დ) ფრაქციის პოლიტიკური პლატფორმის განხორციელება.

### თავი 3

#### ფრაქციის სტრუქტურა და საქმიანობის წესი

##### მუხლი 3.

3.1. ფრაქციის უმაღლესი ორგანოა ფრაქციის სხდომა.

3.2. ფრაქციის სხდომა ღიაა. ფრაქციის სხდომა ფრაქციის წევრთა მოთხოვნით შეიძლება გამოცხადდეს დახურულად.

3.3. გადაწყვეტილებები ფრაქციის სხდომაზე მიიღება დამსწრეთა უბრალო უმრავლესობით.

3.4. ფრაქციის სხდომა იმართება საჭიროებისამებრ. ფრაქციის სხდომა შეიძლება მოწვეულ იქნას ფრაქციის თავმჯდომარის ინიციატივით ან ფრაქციას წევრთა მოთხოვნით.

3.5. ფრაქციის სხდომა უფლებამოსილია თუ მას ესწრება ფრაქციის წევრთა უმრავლესობა.

##### მუხლი 4.

4.1. ფრაქციის წევრი შეიძლება გახდეს (საქართველოს ადგილობრივი თვითმმართველობის კოდექსით განსაზღვრულ პირთაგან) საკრებულოს ნებისმიერი წევრი, რომელიც იზიარებს ფრაქციის პოლიტიკურ პლატფორმას და ფრაქციის წევსდებას.

4.2. ფრაქციაში გაწევრიანების მსურველი საკრებულოს წევრი, წერილობითი განცხადებით მიმართავს ფრაქციის თავმჯდომარეს.

4.3. ფრაქცია საკრებულოს წევრის განცხადებას განიხილავს ფრაქციის უახლოეს სხდომაზე და იღებს შესაბამის გადაწყვეტილებას.

4.4. ფრაქციაში ახალი წევრის მიღების შესახებ ფრაქციის თავმჯდომარე 3 დღის ვადაში წერილობით აცნობებს სამანდატო, საპროცედურო საკითხთა და ეთიკის კომისიას და საკრებულოს აპარატს

## მუხლი 5.

### 5.1. ფრაქციის წევრს უფლება აქვს:

ა) აირჩიოს და არჩეულ იქნას ფრაქციის ნებისმიერ ხელმძღვანელ თანამდებობებზე ან დაასახელოს შესაბამისი კანდიდატურა;

ბ) მიმართოს ფრაქციას ნებისმიერი წინადადებით ან ინიციატივით, რომელიც შეეხება საკრებულოს საქმიანობას და მოითხოვოს ფრაქციის მხარდაჭერა;

გ) მიიღოს ფრაქციის აპარატში არსებული ნებისმიერი ინფორმაცია საკრებულოს საქმიანობისა და მიღებული გადაწყვეტილებების შესახებ;

დ) მონაწილეობა მიიღოს ფრაქციის ეგიდით ჩატარებულ ღონისძიებებში.

### 5.2. ფრაქციის წევრი ვალდებულია:

ა) დაიცვას ფრაქციის წესდება;

ბ) მონაწილეობა მიიღოს ფრაქციის საქმიანობაში;

გ) აქტიურად ჩაერთოს ფრაქციის პოლიტიკური პლატფორმის განხორციელებაში;

დ) თავისი ქმედებით არ დაუშვას ფრაქციის დისკრედიტაცია.

## თავი 4

ფრაქციის ხელმძღვანელი პირები და მათი უფლებამოსიებები

## მუხლი 6.

6.1. ფრაქციის ხელმძღვანელი პირები არიან - ფრაქციის თავმჯდომარე, მოადგილე და მდივანი.

6.2. ფრაქცია თავისი შემადგენლობიდან ირჩევს თავმჯდომარეს, მოადგილეს და მდივანს.

## მუხლი 7.

7.1 ფრაქციის თავმჯდომარე:

ა) ხელმძღვანელობს ფრაქციის საქმიანობას;

ბ) წარმოადგენს ფრაქციას საკრებულოში და მის გარეთ;

გ) თანამდებობრივად შედის საკრებულოს ბიუროს შემადგენლობაში;

დ) წარმართავს ფრაქციის სხდომებს;

ე) ასორციელებს სხვა უფლებამოსილებებს.

7.2. ფრაქციის თავმჯდომარის მოადგილე თავმჯდომარის დავალებით ხელმძღვანელობს ფრაქციის საქმიანობის ცალკეულ მიმართულებებს და, საჭიროებისამებრ, ასრულებს ფრაქციის თავმჯდომარის მოვალეობას.

7.3. ფრაქციის მდივანი ასრულებს ფრაქციის თავმჯდომარისა და მისი მოადგილის დავალეობებს. ხელმძღვანელობს ფრაქციის შიდაორგანიზაციულ საქმიანობას, ასორციელებს მისთვის მინიჭებულ სხვა უფლებამოსილებებს.

თავი 5

ფრაქციის წესდების გადასინჯვა

მუხლი 8.

8.1. ფრაქცია უფლებამოსილია ნებისმიერ დროს გადასინჯოს ფრაქციის წესდება და პოლიტიკური პლატფორმა.